

四庫全書

史部

欽定四庫全書

史部

欽定皇興西域圖志卷四十四

五

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定四庫全書

欽定皇輿西域圖志卷四十四

藩屬

臣等謹按古盛王涵宥天下薄海內外咸訖聲教而必又有以及乎其餘於是乎享王接軌共球咸受朝正奉命史不絕書我

國家累洽重熙化敷域外朝鮮琉球暹羅安南之屬皆受朔來朝奉職惟謹而蒙古部落北則四十九

旗喀爾喀鄂爾多斯諸部舊為臣僕西南則青海
西藏隸我典屬維藩維翰中外一家乾隆二十年
準噶爾平二十一年左部哈薩克內附二十二年
右部哈薩克塔什罕東布魯特繼之二十四年回
部平是時西布魯特安集延那木干瑪爾噶朗霍
罕諸城拔達克山博洛爾部亦相率來歸二十七
年復有愛烏罕等鞠脰奉表而至於是和通諸部
次第偕來大蒙咸就甄陶

聲教及於無垠矣伏念西師之役

皇上惟期底定準夷纘成

先緒即回部用兵亦以逆酋稔惡義在必伸自出師以迄
凱旋從未嘗勤思遠略有意招徠而

王師所過萬衆傾心呼籲投誠爭先恐後僉言久慕
天朝向為準噶爾所阻蔑以自通幸際廓清樂沾仁化
此益見西域之不可不及時蕩平而

至聖聲名洋溢凡有血氣莫不尊親此心此理洵有大

同者也為考諸部方輿躔度風土之跡暨歸誠本
末著於篇以誌一時慕義歸仁之盛昔司馬遷有
言張騫使西域傳聞其旁大國五六其詞恍惚無
可審證猶且詳諸史乘以誇遠馭矧

今日梯航玉帛萬里來庭星拱雲從不煩期會凡在
通名諸國俾得據實編摩用昭我

皇朝大一統之業猗歟盛哉志藩屬第十九

欽定四庫全書

欽定皇輿西域圖志卷四十四目錄

藩屬一

左部哈薩克

右部哈薩克

欽定皇輿西域圖志卷四十四目錄

欽定四庫全書

欽定皇輿西域圖志卷四十四

藩屬一

左部哈薩克

左部哈薩克東南與準噶爾接西與右部接北與俄羅斯接其常所會廷曰葉什勒傍葉什勒河東去塔爾巴噶台南去伊犁皆千里東南去鎮西府四千五百餘里其部曰鄂圖爾玉茲無城郭逐水

草事游牧冬夏別居無常處地廣人稠甲於他部
境西北隅有獨樹一株其上五枝盤拏蔭廣可容
二百騎名鄂呼引噶克又莫朶為西域神物風俗
物產大畧與準噶爾等文字同言語稍異其君曰
汗其汗族而為首領者名蘇爾統相傳其地為古
大宛今詳考之蓋古康居國也其汗阿布賚初乘
達瓦齊亂數侵擾準噶爾乾隆二十年二月準噶
爾平

詔遣使往諭阿布賚言於使臣侍衛順德訥達永阿曰
向聞

大皇帝臨御中土以山川之故貢譯未通今

天威遠播掃伊犁興黃教俾與準夷俱生生實無疆之
福敢以誠心歸於德化九月順德訥等以其使博
洛布拜等歸伊犁阿睦爾撒納適以伊犁叛明年
走哈薩克阿布賚納之

詔遣將軍達爾黨阿由西路哈達哈由北路先後以大

軍進阿睦爾撒納之走哈薩克也有奈曼鄂拓克
納拉巴圖者邀劫之不獲勦其衆阿睦爾撒納以
三騎走附阿布賚其屬欲擒獻阿布賚不可乃遣
和集博爾根以兵從阿睦爾撒納走努拉自率千騎
西行會於蒿哈薩拉克鄂拉下以待我師七月將
軍達爾黨阿兵至於雅爾拉與和集博爾根前隊
二千餘兵遇賊設伏佯敗我師登於山俯其陰則
伏在焉蜂屯蟻聚隨以號火乃堅壁壘繕營伍賊

不敢出越宿遣烏爾登以輕騎致師分阿里衮鄂
實哈寧阿明瑞為左右翼將軍達爾黨阿副將軍
扎拉豐阿執燾以中軍進齊努渾瑪瑞特通額額
爾登分部從之賊倉猝不及顧潰於山麓斬首五
百七十餘級餘敗去我兵乘勝進努拉擒楚魯克
是時和集博爾根方與阿睦爾撒納引二千騎西
行我軍逼之列而陣出入鏖戰良久獲其燾及礮
賊乃亂斬三百四十餘級阿睦爾撒納易燾褫衣

冠而遁初順德訥歸自哈薩克以阿布賚恭順狀聞復遣賚

勅往諭七月至博爾喀爾綽濶為哈薩克兵所阻不得達至將軍哈達哈營乃遣扎薩克三都布等擊敗阿布賚兵於蒿哈薩拉克鄂拉下斬首百餘級奪其馬匹輜重無算阿布賚遁師從之復斬首百餘級獲馬二百鎗械百餘獲昭華什由是三戰皆捷師至於伊什勒於是達爾黨阿哈達哈兩軍合魯

楚克昭華什既獲而見將軍極陳阿布賚之欲內附也將軍縱之俾往諭曰

大皇帝命將討叛爾從賊則死若能擒以來臣僕無二於是阿布賚亦稔知為阿睦爾撒納所賣將擒賊以求臣於我其謀泄阿睦爾撒納乃竊哈薩克馬十餘騎逃歸準噶爾二十二年將軍兆惠叅贊大臣富德等復將兵西征阿睦爾撒納再走哈薩克六月阿布賚以兵三萬助擒阿睦爾撒納遣其弟

阿布勒比斯為前隊與我兵遇奉將軍馬一參贊
馬一陳情請罪願受約束於是兆惠等復遣使往
諭阿布賚乃遣亨集噶爾等奉良馬四表請內附
其文曰自臣祖額什木汗揚吉爾汗以來從未得
通中國聲教今祇奉

大皇帝諭旨加恩邊末部落臣暨臣屬靡不懼忭感慕
皇仁臣阿布賚願率哈薩克全部歸於鴻化永為中國
臣僕聞於朝

詔受之秋阿布賚使臣至

避暑山莊朝謁

賜宴萬樹園觀燈火阿布賚既臣於我遂以其兵助擒賊與順德納遇於途而言曰我哈薩克以阿睦爾撒納之故獲罪

天朝仰荷

大皇帝鴻慈不棄覆載為臣為僕願悉力擒賊庶贖前罪母有二心阿睦爾撒納敢外悁懣是不祥人也

是有天道其何能活乃以托忒烏珠克字印文導
我師巡行諸部是月阿布賚將以計擒阿睦爾撒
納於阿爾察圖不獲奔俄羅斯執其從賊額布濟
齊巴罕來獻二十一年努拉之役和集博爾根以
殘兵遁至是聞阿布賚降乃與喀拉巴拉特者親
率其屬三萬戶款於軍門曰外臣不識文字謹以
身詣降將軍兆惠為啟帳命東向坐將軍南向坐
列筵食之牲體哈薩克俗必持咒破戒始食於是

乃言為

大皇帝臣豈敢稱禁因共飽餒畢引觀花馬射懸鎖子
甲射之徹其裏益大駭服約助擒賊叩首去左部
咸服二十三年五月哈薩克拜濟格特部落之拜
布拉克巴圖魯等獲布庫查罕六月哈薩克哈爾
津等獲厄魯特和碩齊皆獻於軍械送京師二十
四年阿布賚復遣其兄子俄羅斯蘇爾統及其頭
目伯克訥等來朝

賜宴

皇上較射於

御園得與觀焉二十五年復遣使來朝宴賚令觀圍
賜勅諭俾約束所部毋越境游牧二十六年正月

賜勅諭寬所屬巴魯克巴圖爾侵掠烏梁海罪六月伴

送使臣入

覲回程定派

乾清門侍衛禁哈薩克于烏里雅蘇台市易二十七

年二月哈薩克阿布勒瑪木比特等遣使來朝值

聖駕南巡

覬於揚州

行在

賜冠服所屬哈喇圖魯什送歸額魯特人口賞賚有加
參贊大臣阿桂收取越界游牧之哈薩克等

諭寬其罪而還之五月弛烏里雅蘇台市場之禁仍禁
私市七月阿布賚遣使來朝

命隨觀木蘭圍

賜冠服以陪臣烏默爾為

乾清門侍衛令暫歸挈眷移居伊犁二十九年三月

阿布勒瑪木比特遣使來朝

賜冠服三十四年正月阿布勒比斯遣子卓爾齊來朝

三月阿布賚遣子幹里蘇爾統來朝三十八年正

月哈薩克波羅特繼其父阿布勒瑪木比特為汗

遣使來朝阿布賚子卓爾齊亦來朝四十一年正

月阿布賚遣使來朝俱宴賚如例哈薩克建廷葉
什勒居客斯騰城其地北極高四十六度二十分
至四十八度距京師偏西三十二度至三十七度
當準噶爾北全境東西千里南北六百里四山環
繞山脈亦自西而東其南境之山曰喀拉巴克喀
爾海鄂拉又東為喀爾克圖哈薩拉克鄂拉又東
為扎拉圖哈薩拉克鄂拉又東為勒克楞鄂拉踰
山而南入準噶爾境齋爾界又東為鄂綽沁吉斯

鄂拉又東為阿爾津沙拉什保台鄂拉又東北為
阿爾輝西里入準噶爾境額米爾界自喀拉巴克
喀爾海鄂拉西北行折而東為厄勒伊們鄂拉葉
什勒河源出焉又北為尼雅克圖鄂拉又東為尼
滿哈濟蘭鄂拉又東北為喀爾瑪奇爾哈鄂拉又
東為阿克奇拉鄂拉又東為巴顏鄂拉又東為嵩
哈薩拉克鄂拉即將軍哈達哈敗阿布賚處又東
南為阿巴拉爾鄂拉又東至塔爾巴噶台而止羣

山內外源泉經絡其最著者為綽多爾圖郭勒出喀拉巴克喀爾海鄂拉東為克巴什博爾濟爾郭勒又東為哈薩拉克布拉克又東為博爾喀得克布拉克又東為額特倫布拉克又東北為什納噶布拉克沮洳渙散燦若列星又東為奎蘇布拉克又東為阿爾齊圖布拉克又東為青吉斯布拉克又北為阿林布拉克又東為阿濟蘇布拉克又東為烏爾圖布拉克又東為色爾格郭勒又東為罕

拉海圖布拉克又東北為三察爾郭勒又東為楚庫魯克郭勒又東南踰山入塔爾巴噶台界其在右哈薩克西北境者為葉什勒郭勒沿河西北行二百里為哈薩克春吉索波藍地苦寒其汗盛夏常居此自是以西地益曠渺左部境內岡阜層嶺折而西北行二千里為依底克鄂拉當塔拉斯郭勒東南境入右部

御製哈薩克稱臣內屬遣使進貢詩以紀事

有序
丁丑

哈薩克即大宛也從古不通中國雖漢武勞師動衆
僅得其馬猶且動色頌功斯何稱焉去歲我師因追
叛寇阿睦爾撒納直入其境哈薩克撤帳驅畜遁去
數千里朕以絕域駐師非計也命撤師哈薩克悔其
為阿睦爾撒納所賣謀擒之以獻而奸賊復自哈薩
克逃迴準噶爾乘噶爾藏多爾濟巴雅爾等之亂鴟
張嘯聚今春我師重入伊犁問罪則噶爾藏多爾濟
已被其姪扎納噶爾卜所害而扎納噶爾卜又為阿

睦爾撒納所襲僅以身免我參贊大臣富德率師窮
追阿睦爾撒納巴雅爾適與哈薩克師遇哈薩克不
敢犯我師顏其汗阿布賚隨遣使稱臣入覲今巴雅
爾已獲阿睦爾撒納亦不日成擒即或竄入哈薩克
而哈薩克亦約縛之以獻喜銷兵之有日爰點翰以
成辭

采入伊犁靖陸梁鯨鯢懲逆武維揚已看頡利成生虜
又報洛那歸職方致馬本非如武帝閉關未得學蕭王

更欣願縛渠魁獻載戢干戈日光

御製哈薩克使臣至今隨圍獵並成是什

丁丑

伊古從來化外蠲間關馳使遠朝天不知中土歲月日
乃隔長安萬二千塞野便教預獵喜山莊旋與錫恩駢
即今行國多天馬附會誰窮太史編

哈薩克在漢為西域地史漢所記匈奴在北西南夷
在西南西域諸國在西為最遼遠相傳哈薩克為古
大宛然史記言大宛為城郭之國則正今之葉爾羌

喀什噶爾及吐魯番一帶回部非哈薩克也哈薩克
雖亦回教而實行國與布魯特同俗又所稱大宛產
苜蓿蒲陶今哈薩克亦絕無徒以產馬與大宛相似
然西北諸部何處不產馬耶蓋漢時大宛烏孫康居
奄蔡月氏扞罽于闐諸國統為西域而大宛部落強
盛附庸者多哈薩克在彼時當是其部中之一國耳
史稱大宛東北則烏孫而吐魯番之東北即厄魯特
諸部烏孫者蒙古語謂水也厄魯特逐水草而居史

所謂隨畜與匈奴同俗者也且今哈薩克在厄魯特
之北是又不同矣史稱大宛東則扞罽于闐扞罽音
韻與今之哈密為近史記之扞罽漢書作扞彌又或
作拘彌而史記所載為最先漢書之扞彌或因字畫
偶誤相沿不改展轉訛謬至云拘彌則益失之遠矣
且于寘于闐音聲迥異二者之間必有一誤于寘絕
無可考于闐產玉歷代相傳今回部之和闐水多美
玉當為于闐故地也亦知大宛非定哈薩克明矣或

又以哈密為古伊吾引歷代開田屯兵建設州郡為據然焉知非漢占伊吾之地屯田設戍而扞罽乃西遷近于閼而居乎又安知非中國浸微而扞罽仍來其故處乎在昔夷漢言語絕不相通所傳不免悠謬今文武将吏往來西域與行內地無異則史所謂大宛烏孫康居奄蔡月氏扞罽于閼諸國與今之厄魯特哈薩克布魯特葉爾羌喀什噶爾其同異大小皆可以次而徐考且歷代傳記西域諸國所云勝兵數

百者其實不過如今之準噶爾廿一昂吉之一回部
賽里木阿克蘇等小城有一酋長即可稱一國之類
耳設以今所定準噶爾哈薩克及回部相較則史所
稱西域三十六國者不啻九牛一毛矣必執史漢為
據則司馬遷班固並未身歷其地即至其地而語言
不通文字不曉其傳訛有必然者故注其大畧如右
哈薩克西北隅有獨樹一株其上五株盤挐陰廣可

御製寄題哈薩克獨樹

有序
丁丑

蔽二百騎哈薩克謂之鄂呼引噶克又莫朶鄂呼者
河名噶克又莫朶者獨樹之謂本土爾扈特所稱名
也樹生河源久聞其語今問之來使信然夫宇宙之
大何奇不有然非實據見聞者奚足稱焉昔既為長
白瑞樹歌今復悉此物必有對其理信然獨惜其遠
處天末異域伊古及今文人學士且不聞其名安能
傳其實點筆紀事盖不如漆園寓物謬悠而已

獨樹鬱輪囷物惟久故神

哈薩克過其下者必膜拜供獻而不敢稱其名盖如蒙古

之鄂博矣鄂博陰周二百騎歲閱八千春建木誰曾見
見舊作詩卷中

奇蹤我所詢依稀北谷子飢飯此修真

道書登真隱訣云飢飯方受西

梁真人時在大宛北谷

御製萬樹園宴哈薩克使臣詩以紀事

丁丑

萬樹丹青艷霽霜秋陽送暖似春陽多須深目遵曲屬

鄂畚槎斫

二處皆哈薩克地名

歸職方耀武未煩貳師李窮源底

藉盤空張近安遠服休稱慶益勵吾心敬不遑

御製九月十五日賜哈薩克使臣觀燈火

丁丑

九瀛一合貴山朝火樹依前絳蠟燒可識仙莊原月宇
只疑鹽澤接星橋霜林葉落還裝葉霞嶠標藏重去聲建
標惠遠行時詎尋樂漫稱預節賞元宵

御製哈薩克汗阿布齊之姪俄羅斯蘇爾統及其陪臣

來朝詩以紀事

己卯

貢徵曾弗責包茅厚往頻來不藉教命彼近親亦台吉
獻其方物乃蒲梢皇輿豈必論疆界廣運何妨示與胞
偶值咸賓殷保泰乾元切體九三爻

御製填倉日命哈薩克人觀燈火已卯

委羽來經五月程上元盛曲值都城得教餅節觀燈火

為示懷柔洽衆情

陪臣數已較前多更見親支遣洛那

俄羅斯蘇爾統為
阿布賚汗之姪在

其台吉中分最
親因專遣朝覲

邀賞漫須惜繁費

來人多則賞物多外
夷見小習氣皆然

古來服遠幾經麼

化城蜃閣無邊幻翠火明燈依舊新亦有花翎曾至者

解稱兩度沐恩人

陪臣內有伯克訥者前年入覲得邀
寵章之錫今再至即戴所賜花翎意

殊自喜示

榮侶伴

虹光百道燭層霄信有龍門婺尾燒漫誚重儻增頓置

上元屈指纔

去聲

旬朝

御製御園賜宴哈薩克蘇爾統俄羅斯等即席得句

已卯

北紘向化至烝烝懷遠應施慶賜仍親族況來蘇爾統

哈薩克汗族而為首領者則稱
蘇爾統蓋如準噶爾台吉之類

闕河遙別客斯騰

哈薩克阿

卜爾噉蜜特
所居城名也

玉花尚積巘山雪火樹剛收太乙燈曲盛

漢家歌天馬持盈惟益厲兢兢

勤遠寧同道出駝畏懷幸致望風降傳觴何必稱瑤水
命舞還教出帝江眩耀口騰明吐火倒投跟絳戲緣幢
奉時行慶非誇富錫命惟三協萬邦

御製射八韻

有序
已卯

紫籙韶昌九品正資宣對黃閭春永四侯爰肆幾閒
當御耦之催班更宛人之入侍既掄才而授位三五
聯行喜弓燥而手柔疊雙呼雋前者蕃王負弩曾陪
靈囿三驅今焉屬國奉琛復覩和門九節念茲觀德

為國朝所素嫻雖值率賓敢

家法之稍懈非誇獨擅畧示大端

園門曰出入賢良

正大光明殿前正門名皇考御額也

理事恒茲引對

敬多士惟殷斯籲俊遠夷蕪值彼來王綠籤器使掄庶

位驛角親彎試廣場志正體平力奚主執專藝熟中

去聲

還常

是日發二十矢中十八束一矢正中五層之中的

示之所尚傾心服命以

同為到手忙

時命哈薩克能射者均得預列及殺弓注矢動不成節蓋外夷或有習弓矢者然較

之滿洲索倫相去不啻逕庭矣

詎止朝儀浹宴樂要令

平聲

廟畧誓張皇

外夷惟知重武宴會百戲彼雖樂觀終不若示以射獵
彼乃誠心悅服不敢輕視中國故朕每於此亟亟焉
恬文嬉武夙為戒

祖制

天庥敢不獲珥筆儒臣從紀盛自予

家法奉無疆

御製宴哈薩克陪臣作

庚辰

哈薩陪臣候起居優恩錫宴示榮諸徐聞壺漏遲金秋
不藉瓊筵命象胥塞限寒門帝京到風來暑節曉涼舒

時和武定遐方順惟勵謙冲凜執虛

御製哈薩克使至俾觀圍

庚辰

阿布賚汗

哈薩克汗名

侯起居蘇爾

平聲

阿布賚姪其名都勒特赫勒蘇爾統

蓋其貴族之稱如蒙古之台吉云

至謁鑾輿兼程而進堪嘉彼

前聞阿布賚遣

使入覲念其道遠恐不能急馳傳諭緩程而行於十月初旬至熱河而蘇爾統以九月初三日自烏里雅蘇台起程月之十八已抵波羅河屯據云途中驛騎餼糧並荷天朝優恤不知跋涉之勞急欲瞻覲天顏以申誠悃

厚惠以加寧靳予北界控弦重習獵漢家連網笑周陸

圉期二日應教展

廿一日駐蹕海喇蘇台止餘一團因哈薩克使至特命展加二日俾得扈

從預
觀射得肥麕便賜諸

御製哈薩克陪臣到因攜觀廣陵風景

壬午

哈薩朝正貢馬頻路遙遲到值南巡因教馳驛來江國

便挈行春閱綺闈昔歲觀光稱使者

辛未準噶爾使臣曹命至蘇州賜諭

爾時準夷尚未剿滅哈薩克原屬準夷不通中國也

今番優賚實陪臣廣陵鄂畚

哈薩克地名何南北總我心懷保赤人

御製賜賚哈薩克陪臣並攜遊御園詩以紀事

甲申

北戒遙踰萬里陪臣久乃達都京

正月據報哈薩克使臣至邊因命留

火祇待之茲以路遠雖命馳驛速行猶至三月
始到遂不復賜觀煙火祇按例賜食頒賞遣還 鐙宵早

過九華照御苑方當百卉榮獻馬無過聊表悃同丹真

是大聯情慣來可罷恩筵款

以彼歲有來使且未
值燈節遂弗賜宴

厚往

仍教例賚行

御製上元前二日錫宴外藩即席得句

己丑

仰流鱗集賀元正錫宴欣逢雪後晴大幕穹窿慶雲擁

西山迤邐玉屏橫鏤鐫君長舊臣列

都爾伯特今亦有
出痘者來京賀正

與舊藩
無異

氍毹衣冠侍子伾

哈薩克阿布勒比斯汗遣其
子卓爾齊來京特命入宴

正是遠來近悅候却教南顧繼遐情

綱匪弗靖待之一歲彼無投誠之信

此無赦罪之理將籌大舉用繫遠懷

御製哈薩克汗阿布賚遣其子幹里蘇爾統來請安於

御園賜宴因成是什

己丑

未徵侍子入朝參却以輸誠疊遣男

右部哈薩克阿布勤比斯遣子卓爾

齊於新正入覲令隨朝正外藩宴賚今左部阿布賚之子亦至特命一例錫宴用均柔遠恩禮不督因

之深感慕無私應與徧包含笙鏞並奏春光暢金帛優

頒愷澤覃忽憶朱波方便化一為愜意一為慙

清晨細雨灑霏微開宴穹廬朗旭暉

張大幕于西園凡宴外城每月之以

順其俗尚也

已是澤霑惟霽好敢誇

天與及人歸戴恩永矢無他嚮式禮還嘉弗少違章服榮

頌剛稱體被教異部耀光輝

御製上元前一日宴哈薩克波羅特汗陪臣阿克台里

克及卓爾齊即席成什

癸巳

波羅

詩作上聲

特茲馳使倅繼汗請命覲都京

波羅特以繼其父阿布勒

瑪木比特為汗遣陪臣阿克台里克入覲念其汗本受中朝封爵而請命有受戴之忱且以十一月杪自伊犁

馳驛行走便捷上元前即抵京殊屬恭順因優加宴賚

底須更平聲

置示威重便可

允行獎恪誠卓爾齊

別部阿布勒比斯王之子向魯來京

尤習國禮理藩

院引賀新正厚恩豐醺頒嘉節柔遠旁通萬里情

御製幸西苑接見朝正外藩年班回部哈薩克來使及

西川土司頭人等之初次覲謁者即事得句

丙申

步輦西華西苑巡匪遊圖覲遠徠臣夾衛左右分迎接

露冕笑言普拊循回部更番久依例

庫車三品阿克木伯克阿克伯克等

十三人朝內旗扎薩久稱賓

內扎薩克四十九旗之蒙古王公台吉等輪歲朝正

待稱蒙古賓客以示優異

土爾

讀作平音

扈入朝如雁

土爾扈特及杜爾伯特新附之王公

台吉等亦每年輪番入覲

哈薩克流仰集鱗

哈薩克汗阿布賚遣使鄂托爾齊等朝貢適至

來享來王來賀節土司土舍土頭人

兩金川平定以後其餘各土司羣籲

瞻仰因許其照回部例輪班朝賀今初次來京之土司明正宣慰司中爾叅德沁等八人及緯斯甲布土舍緯爾甲爾叅等三人土守備加頭等侍衛木塔爾等十一人德爾格特頭目索特納木拉布坦等七人即命成都將軍明亮統率以行茲于西苑門外隨眾夾道叩謁隨傳旨陶慰並加賞品級項帶及冠服有差撫茲

武偃文修世益切盈持泰保寅

臣等謹按哈薩克地產良馬故相傳為即古大

宛及恭讀

御製哈薩克使臣至令隨圍獵詩跋辨析精詳哈薩克之非即大宛曠若發蒙矣臣等紬繹

聖論研核史書按厥方隅証以風俗定其地為漢之康居唐之黠戛斯備錄史書而申以論說如左

史記大宛列傳康居在大宛西北可二千里行國控弦者八九萬人與大宛鄰國小南羈事月氏東羈事匈奴

漢書西域傳康居國王冬治樂越匿地到卑闐城
去長安萬二千三百里不屬都護至越匿地馬行
七日至王夏所居蕃內九千一百四里東至都護
治所五千五百五十里東羈事匈奴宣帝時匈奴
五單于並爭漢擁立呼韓邪單于而郅支單于怨
望殺漢使者西阻康居至成帝時康居遣子侍漢
貢獻然自以絕遠獨驕慢不肯與諸國相望漢為
其新通重致遠人終羈縻而未絕 烏孫小昆彌

末振將弟卑爰囊共謀殺大昆彌將衆八萬餘口
北附康居謀欲藉兵兼并兩昆彌

魏畧西戎傳北烏伊國在康居北堅昆國在康居
西北丁令國在康居北北上三國堅昆中央南去
車師六國五千里

唐書回鶻傳黠戛斯古堅昆國也邛支單于破堅
昆於時東距單于廷七千里南車師五千里邛支
留都之故後世得其地者訛為結骨稍號紇骨亦

曰紇斡斯云直回紇西北三千里東至木馬突厥
三部落曰都播彌列哥餓支堅昆之人得以役屬
之堅昆本疆國也地與突厥等東至骨利幹南吐
蕃西南葛邏祿始隸薛延陀未始與中國通貞觀
二十二年聞鐵勒等已入臣即遣使者獻方物其
酋長俟利發失鉢屈阿棧身入朝帝以其地為堅
昆府隸燕然都護高宗世再來朝景龍中獻方物
元宗世四朝獻乾元中為回紇所破自是不能通

中國後狄語訛為黠戛斯蓋回紇謂之若曰黃赤面云又訛為戛戛斯

按漢書西域傳烏孫東與匈奴西北與康居西與大宛南與城郭諸國相接西北與康居接西面北面皆與康居接故不別言北與某接也今之回部為天山以南城郭諸國今之準噶爾在天山北南與回部接為漢烏孫而左部哈薩克在準噶爾北迤邐西行至右部哈薩克與塔什

罕接連延二千餘里偏西北行則為後哈薩克
是哈薩克全境當準噶爾西北兩面此正漢書
所云烏孫西北與康居接者其在於今當兼左右
哈薩克而言也又史記漢書俱云康居東羈事
匈奴又漢書云匈奴殺漢使者西阻康居又云
烏孫北附康居是康居東為匈奴南為烏孫明
矣今天山東北實漢匈奴舊壤其西則哈薩克
居北準噶爾居南此漢書所謂康居東事匈奴

匈奴西阻康居烏孫北附康居者也康居國王
冬治樂越匿地夏居蕃內顏師古曰王每冬寒
夏暑則別居不一處今哈薩克汗阿布賚夏則
居葉什勒等處冬則居哈薩克固斯古爾班察
爾等處所謂冬夏別居者其俗亦正相類晉魏
以降康居國乃西遷其地屬今右部哈薩克與
左部無涉至唐書載黠戛斯地當伊吾之西焉
者北白山之旁似與哈薩克方位不合然考唐

書原文所謂伊吾西白山旁者乃推原古堅昆
故地當屬今準噶爾境若就鄯支單于西破堅
昆之後遷都西北則東距單于廷七千里南車
師五千里魏畧與唐書所載略同在今準噶爾
部北其為哈薩克壤無疑且考伊犁東北即古
葛邏祿部而哈薩克又在葛邏祿東北亦正與
唐書黠戛斯西南葛邏祿之語相合也

右部哈薩克

右部哈薩克東去左部二千里北至俄羅斯界西南至塔什罕其部曰烏拉克王茲汗曰阿比里斯其巴圖爾有三曰吐里拜曰輝格爾德曰薩薩克拜阿比里斯駐塔什罕城不事事受成而已惟吐里拜實專其政其俗大畧與左部等其地在古康居國西境初阿布賚告於順德納曰我哈薩克之有三王茲如準噶爾之有四衛拉特也鄂圖爾王茲則我為政矣他如奇齊克王茲烏拉克王茲族

兄為之當與偕來作中土臣乃使其弟阿布勒比
斯往而參贊大臣富德方以兵索逆賊哈薩克錫
拉至右部遣蒙固爾岱赫善等往撫次軍於莽格
特城外是時吐里拜等方與塔什罕回人吐爾占
戰不下平之乃下

詳見次卷
塔什罕條

於是吐里拜等感

德畏

威詣軍門納款奉馬進表以降其文曰伏念臣者久思
內附遠處邊未與左部阿布賚各長一方為準噶

爾阻絕末由自通近聞左部輸服被

恩優渥恭惟

天使惠來祇領

宸訓得均隸臣僕誠懼誠忤謹遣臣子弟入

覲瞻仰

天顏如天覆育之

聖人在上臣願竭衰駑奮勉自効永無二心倍於左部
表聞乃受正朔列外藩焉二十三年吐里拜遣其

子卓蘭及輝格爾德之弟博索爾滿朝

京師

賜宴盤山靜寄山莊並隨至

南苑與觀

大閱及燈火

恩賚甚渥今測其地北極高四十三度至四十五度距
京師偏西四十五度四十八分東與左部接東南
與伊犁西北境接南與布魯特及安集延那木干

諸部接西踰塔什罕西六百餘里北至依底克鄂
拉名北哈薩克西南為格根郭勒又西南為納穆
爾郭勒又南為雅哈爾斯郭勒又西南為錫爾郭
勒又西為薩哈斯郭勒又北為塔拉斯郭勒格根
郭勒東近塔拉斯郭勒者為哈拉庫爾為達布孫
淖爾薩哈斯錫爾兩河之間岡巒綿亘為穆呼札
爾鄂拉為哈拉綽克多達巴為莽阿錫魯達巴為
柯格納斯達巴嶺北大澤名騰吉斯地周迴數百

里蓋小海也海之東南崖有部名沙爾又東北薩
哈斯郭勒南有達拉什城噶拉楚克城錫爾郭勒
西北有波拉克城其東有那幹喀特城又南有蒿
達克城由蒿達克西踰錫爾郭勒為塔什罕其城
寄居右哈薩克部內而別自為部不相統也

御製右部哈薩克歸化遣使朝貢詩以紀事

有序
戊寅

右部哈薩克其汗曰阿比里斯與塔什罕城回人等
接壤雜居地廣人稠不下左部阿布賚所屬向為厄

魯特間阻未通聲教今年秋參贊大臣都統富德追捕準夷餘孽哈薩克錫拉兵至其地會塔什罕與右部哈薩克構釁互擊因遣侍衛蒙固爾岱等宣諭威德哈薩克叩首輸誠即日遣使朝貢而回目莫爾多薩木什和卓亦悔悟息爭並令頭目同時入覲念兵非得已而所至如歸披閱郵函輒臚其緣起如此

偏師西海剿逋逃取便恩宣雜種曹豈謂解紛更釋難

時右部與回人方背水決勝蒙固爾岱等單騎入兩陣間指揮宣檄即解甲聽命匪徵目宿與

葡萄情欣左部榮同被

其疏畧云右部素與左部阿布賽同為雄長今得均隸臣僕自

効請倍左部語尤愷摯

德慚

去聲

兩階會偶遭厚往薄來九經式持

盈保泰一心操

御製將之盤山駐蹕湯泉行宮作

有序
戊寅

右部哈薩克歸化侍衛挈其首領將至故往田盤令

彼觀謁欲因携以行圍並至南苑大閱示我國家耿

光大烈非為一已之豫遊實繫萬年之武度問

安啟蹕卓午駐旌耶詠七言用誌初頓

者定伊犁車甲攷嶠山左右惠同叨扈行俾識朝家制
大閱兼陳士氣豪垂拱待叅詎非逸覲揚永勗敢辭勞
問

安啟蹕初程近興引烟宮一染毫

御製右部哈薩克及塔什罕城回人布魯特部首領胥
來覲謁恰至山莊曲宴示恩點筆成什

戊寅

罷爭歸化信堪嘉

見前詩

舉踵延頸

平聲

豈計遐

左部哈薩克距京師

萬里而羸至右部所居迤西去左部尤遠據云久懷歸
化之心以被準噶爾所隔今始遂本願塔什罕布魯特

皆其毗連
遠邇也

向日心殷身忘倦

侍衛携之乘傳而來日行三百里歷兩月之久方到

皆不言勞且歡忻踴躍稱真從日入處得到日出處也

敷天無外總為家詎期蔥

嶺殊言侶也厠田盤曲宴加南苑紆臨俾扈駕視前來

者肯教差

先是哈薩克布魯特來朝俱令扈從木蘭行圍今時當仲冬大閱因於盤山覲謁之次道

便携赴南苑俾得預觀講武以均恩禮

輸誠乘傳走陪臣萬里餘程日六旬賜食山莊禮粗習

隨圍海子惠重申獻芹乃解歸俘黨賚幣何妨不受人

阿睦爾撒納之姪伊什扎布先為我兵所俘旋脫奔哈薩克又轉售於塔什罕城皆未知其為逆苗族屬也侍

銜蒙固爾岱到彼識之告以其故遂縛來以獻與入覲人同至念其年幼無知且非逆酋嫡子孫此因嘉回人執送畏懷懇誠特賜以幣並勅釋還之

自是開門胥識義應教漏網共懷

仁

御製南苑行圍雜詠

戊寅

盤谷迴鑾攜貴山栢冬苑景益蕭閒先來大獮均曾預
上年左部哈薩克及今秋布魯特赴覲木蘭皆得隨獵
今右部哈薩克等繼至携赴南苑閱武錫宴乘便行圍
亦令其隨
列預觀
小狩應教視此間

草枯廣甸馬蹄輕疊中非誇技擅精驚喜從他遠方訝

歡呼驗我衆人情

疎蕪澹靄接寒林
勒馬凝思亦偶吟
二十年前習獵我
原無爾許創垂心

御製賜哈薩克布魯特等宴即席得句

戊寅

烏孫掃淨玉門開
受號爭先肯後哉
獻馬不須金馬去

右宛今效左宛來
踵前露布相伯仲

布魯特東西二部均於今秋覲謁而

回茲西部最遠者與哈薩克同至

罷戰康居總厠陪

塔什罕城回人先與哈薩克相爭今

修好同誰道蒲萄經歲久
三巡早各醉芳醕
來入覲

御製南苑賜哈薩克布魯特塔什罕回人等觀煙火燈

詞
戊寅

款關定筴復存卬慶典頻煩舉仲冬為耀光明逮疏狄
先陳曼衍引魚龍

燈火城南六十春

康熙二三十年間元宵蓋曾在南苑
陳煙火後以建暢春園率於彼度節

不復在此觀燈
者六十餘年矣

重觀因賚遠來人村民遙近扶攜至不

禁金吾例可循

百道流虹貝闕朝光明彷彿上元宵田蠶事例雖云早

已盼霏空六出飄

後先接踵共來尊難學蕭王閉玉門爆響連珠成捷報

便期早晚定堅昆

時我師方圍葉爾羌城日夜望捷音之至

風定時暄夜正長上弦魄影已騰光

時十一月初五日

周家建

子原正月想是嫦娥也為

去聲忙

鱗集應教一視同避寒燈火夜深烘高張黃幕三巡罷

訝似清涼萬樹中

山莊三十六景內無暑清涼後即萬樹園邇來觀燈火宴遠蕃之處

翠火明燈玉樹攢化城蜃閣絳雲端元宵預借休相擬

惠遠寧為好樂觀

萬幕高竿揭野燈半輪真是一條氷肩輿宴罷還行館
惕夕因心畏益增

御製大宛馬歌

已卯

今之哈薩昔大宛

哈薩克雖三字急呼薩克則為一音蓋本兩字漢字析而為三嶠山

神種古所傳烏孫中閼阻聲教

向為準噶爾所隔不通中國攘為已

有曾貢閑

準噶爾台吉噶爾丹策凌時屢貢哈薩克馬曾有詩

不仁之守再世斬

伊犁萬里拓幅員哈薩布魯

布魯特字從上亦急呼成二字胥向化無

他為責致敬虔駸裊汗血寶方物左右部長及可汗遣
其首領遠來獻却之失望厚賚還駘駘駘駘類寶夥匍
匐牽跪陳墀前為龍為徠各天矯雄姿逸態英且間流
珠歆玉誰則見奔霄追電有必然徃者貳師求善種徒
勞數萬惡少年致一二耳猶艷詡奚稱歸德開遠門闢
疆勤遠非本意人歸天與寧可捐人歸天與寧可捐作
歌自警示後昆

漢書西域傳康居有小五王一曰蘇廼王治蘇廼

城二曰附墨王治附墨城三曰窳匿王治窳匿城
四曰罽王治罽城五曰奧鞬王治奧鞬城凡五王
屬康居

晉書西域傳康居國在大宛西北可二千里與粟
弋伊列鄰接其王居蘇薤城風俗及人貌衣服畧
同大宛地和暖饒桐柳蒲陶多牛羊出好馬秦始皇
中其王那鼻遣使上封事并獻善馬

魏書西域傳者舌國在破洛那西北去代一萬五

千四百五十里太延三年遣使朝貢自是不絕

唐書西域傳石或曰柘支曰柘折曰赭時漢大宛

北鄙也東北距西突厥西北波臘南二百里所抵
俱戰提西南五百里康也圓千餘里右涯素葉河
王姓石治柘折城故康居小王窳匿城地西南有
藥殺水入中國謂之真珠河亦曰質河東南有大
山隋大業初西突厥殺其王以特勒匐職統其國
顯慶三年以瞰羯城為大宛都督府開元初封其

君莫賀咄吐屯有功為石國王二十八年又冊順
義王天寶中初封王子那俱車鼻施為懷化王賜
鐵券久之安西節度使高仙芝討之俘以獻斬關
下王子走大食乞兵攻怛邏斯城敗仙芝軍自是
臣大食寶應時遣使朝貢

按自左部哈薩克西南行曠野二千餘里逐水草
無城郭在準噶爾西北以漢書烏孫西北與
康居接之文証之哈薩克為康居故地其說畧

備于前矣第按漢書大宛北與康居接烏孫西
與大宛接休循捐毒西北至大宛國史記大宛
土著耕田有城郭屋室是大宛當在烏孫之西
康居之南休循捐毒之西北有城郭之國即是
也今右部哈薩克西境直抵塔什罕其汗阿比
里斯即居塔什罕城內而塔什罕城之東北西
北一帶尚有城郭部落則今之右部哈薩克當
屬漢康居之五小王地其西南鄙則接大宛之

西北者也伏讀

御製詩跋云大宛部落強盛附庸者多哈薩克在彼當

是其部中之一國耳臣等竊惟大宛康居境界

毗連故邊鄙部落附庸服屬以右部論之理有

必然者矣唐書石國即漢康居苗裔在九姓昭

武中其國稍北以今形勢考之其東境抵今塔

拉斯郭勒而西境尤廣極於塔什罕之東南與

安集延諸城相近所謂大宛北鄙者也石國之

外別有曹米康史何安火尋戍地諸國皆康居
分支始居祁連山北昭武城後稍南依蔥嶺者
其未遷之前當屬今右部哈薩克境既遷之後

當與今安集延諸城相屬也

詳見次卷
那木千條

欽定皇輿西域圖志卷四十四

欽定四庫全書

欽定皇輿西域圖志卷四十五目錄

藩屬二

東布魯特

西布魯特

霍罕

安集延

瑪爾噶朗

那木干

塔什罕

欽定皇興西域圖志卷四十五目錄

欽定四庫全書

欽定皇興西域圖志卷四十五

藩屬二

東布魯特

東布魯特在準噶爾部西南回部西北天山北麓
近葱嶺東北距伊犁一千四百里東南距阿克蘇
七百九十里其部有五最著者三曰薩雅克鄂拓
克頭目不一而圖魯起拜為首戶一千有奇曰薩

拉巴哈什鄂拓克頭目不一而車里克齊為首戶
亦千有奇又一部舊居塔拉斯頭目不一而邁塔
克為首戶四千有奇諸頭目不相統屬推一年長
者有事則告俾與聞而已頭目之長瑪木克呼里
則兼轄諸部其俗好利喜爭尚畜牧事耕種頗畏
法度舊游牧地在格根喀爾奇拉特木爾圖為準
噶爾所侵西遷寓居安集延及準噶爾平乃得復
其故地乾隆二十三年將軍兆惠等追捕逆賊哈

薩克錫拉兵臨布魯特界圖魯起拜等願內附乃
遣侍衛烏爾登托倫泰往撫行數日抵其游牧珠
穆翰恭捧

諭旨宣讀畢薩雅克薩拉巴哈什兩鄂拓克人衆俱以
手加額望

闕叩首而言曰我部久思投誠

大皇帝為準噶爾間阻不能自通今得為

天朝臣僕實望外之幸言訖復環向叩首歡聲殷地時

塔拉斯頭目邁塔克子額什博洛適在其地亦願
率所部來降托倫泰與俱徃行六日至其地撫定
其衆於是東布魯特全部皆內附瑪木特呼里年
九十餘形體肥平時跌坐腹垂至地不能遠行乃
遣頭目車里克齊圖魯起拜尼沙三人獻牛羊百
頭謁軍門因令入

覲

詔扈木蘭行圍

賜宴萬樹園觀燈火三人者之至我軍也將軍兆惠等
與之筵宴令觀軍營武藝咸驚詫曰

天朝弓矢之利向固聞之至於有發必中層甲洞穿馬
上三鎗連發五箭左右連射離馬及地騰躍而起
此種奇特實罕聞見彼準噶爾殘虐不道固宜破
滅哈薩克素稱富强望風款附何有於我等區區
小部落乎相與駭歎不置云其地北極高四十一
度三十分至四十二度距京師偏西四十一度三

十分至四十三度三十分其在於古為烏孫西鄙
地其別部酋長額木爾貝於二十六年率所部內
遷遣弟穆魯特歸誠願受安插貢匕首

帝嘉之賜額木爾貝三品頂帶

御製布魯特稱臣內屬遣使詣闕詩以紀事

有序
戊寅

布魯特為回部別族素與中土聲教不通比因逆回
小和卓木背恩反覆戕我使臣既命將往征屢戰大
捷而將軍兆惠亦以搜捕伊犁賊黨旋師會勦道經

布魯特界其酋長圖魯起拜等遮道呼籲自陳向為
厄魯特所阻自外王化今西域蕩平所部人衆皆願
輸誠內屬並各遣其大首領馳驛赴闕納款念此遐
荒殊域固未殫以兵威亦非馭以智術望風歸附情
詞諄懇已允將軍等所請許其攜從入覲而并識其
緣起如此

捷伐原因討逆回仰流詎意遠人徠舊傳勃律兩王據
唐書西域傳有大小勃律王其地直吐蕃西去
長安八千里以方域考之即今布魯特部落即見堅

昆一面摧

回部葉爾羌喀什噶爾之地西即與布魯厚特連界今布魯特內附則已斷其一臂矣

往薄來風早樹東鷄西鰈道方開不招不拒敷吾惠王

會何妨達九垓

御製布魯特使臣至宴賜即席得句

戊寅

七戎舜教遠難稽布露通唐付狄韞

布魯特自古未通中國考唐書西域

傳始載布露或云勃律有大小兩王其時雖稱內屬不過羈縻勿絕而已部昔兩王稱大小

人今一派別東西

布魯特有東西之號在東者分鄂拓克為五在西者分鄂拓克為十五

新恩恰值伊綿峪

布祜圖昂阿乙亥歲平準噶爾噶爾藏多爾濟等來朝於此丁丑歲哈薩

克歸化使臣根扎噶喇等亦來朝於此今歲布魯特歸
化其使臣亦適朝觀於此地靈佳兆有如此神奇者因
名其峪曰伊綿伊綿者舊識兼逢達瓦齊時達瓦齊厄
駕預宴詢諸
國語會極歸極之意也
使臣知其舊為台吉
時曾識之笑語甚歡
勤遠拓邊凜古戒捧盈恭已奉

天禔

御製萬樹園宴布魯特即席得句

戊寅

鱗集仰流鹿食苹筵開萬樹洽輿情舊藩每看聯新部
夜雨剛欣湊午晴聲教遠通娑夷水恩膏直逮孽多城
敢云揚

烈幸無忝惟益臨深勵守成

御製萬樹園賜布魯特人觀燈火

戊寅

鍾峰正掛玉輪盈

時九月望日夕

合燦烟花愜遠情卉服毳裳

朝麗正

山莊正門名

遯疎習爽耀光明從來不識燈王法

布魯

特本回部不是蒙古敬黃教

幻裏疑遊迦布城

彼處地名

歲歲山莊行盛

典心殷保泰益屏營

御製布魯特額木爾貝所獻七首歌

壬午

回部大定興農耕分駐宣撫留朝卿其中額什噶爾城

近外部落嚴候偵有布魯特馳使倂厥長額木爾貝名
獻玉七首來輸誠佞廬回書仍左行譯出一一伸葵傾
向因路阻兇醜兵戡逆靖亂今太平地為王土人王氓
貢物表敬慙菲輕驛致金闕由海明時侍郎海明開匣
駐喀什噶爾
尺八居然呈龍鱗其室櫛以賴玉柄金鏤象鼻形抽看
光如波溢青月芽直芒披電星封還銷鑄胥矯情咸賓
用識王道貞

北史西域傳波路國在阿鈎羌西北去代一萬三

千九百里

唐書西域傳大勃律或曰布露直吐蕃西與小勃律接萬歲通天逮開元時三遣使者朝小勃律去京師九千里而羸東少南三千里距吐蕃贊普牙東八百里屬烏蕤東南三百里大勃律南五百里箇失密北五百里當護密之娑勒城王居孽多城臨娑夷水其西山嶺有大城曰迦布羅開元初王沒謹忙來朝元宗以兒子蓄之以其地為綏遠軍

國迫吐蕃數為所困吐蕃曰我非謀爾國假道攻
四鎮爾久之吐蕃奪其九城沒謹忙求救北庭節
度使張孝嵩遣疏勒副使張思禮率銳兵四千倍
道往沒謹忙因出兵大破吐蕃復九城詔冊為小
勃律王沒謹忙死貢獻不入安西都護三討之無
功天寶六載詔使都護高仙芝伐之遂平其國於
是拂菻大食諸胡七十二國皆震恐咸歸附執小
勃律王歸京師詔改其國號歸仁置歸仁軍

按今布魯特為唐之布露一名勃律

御製詩注辨晰精詳誠地志之指南灼千古而無惑者
矣至唐以前沿革之概亦有可推而見者考漢
書云烏孫南與城郭諸國相接所謂城郭諸國
者指天山以南葱嶺以東之三十六國而言東
自車師西迄疏勒其直北之境皆與烏孫接特
烏孫在山北諸國在山南耳今之喀什噶爾古
疏勒地踰山而北即今東布魯特之薩雅克薩

拉巴哈什諸部落其境亦正相直此可見東布魯特之在漢尚為烏孫地矣又云烏孫本塞地大月氏西破走塞王塞王南越縣度大月氏居其地後烏孫昆莫居之是月氏未為烏孫所破時實而烏孫昆莫居之是月氏未為烏孫所破時實居塞王故地在蔥嶺之北也又云烏孫國西有縣度烏孫為今拔達克山據此則縣度山在今蔥嶺南拔達克山西而塞王故地當在拔達克

山東北也塞王南越縣度之後地屬月氏月氏
西臣大夏之後地屬烏孫今東布魯特諸部正
當葱嶺之北拔達克山東北是即昆莫當時西
走月氏之地為烏孫西鄙無疑漢書又稱烏孫
不田作種樹隨畜逐水草與匈奴同俗今東布
魯特諸部無城郭逐水草與迤東之準噶爾同
俗是固烏孫之舊也過此以西則為霍罕安集
延瑪爾噶朗諸城是皆土著有城郭為漢大宛

地蓋漢時烏孫西與大宛接壤而大宛與烏孫
異俗史記稱其土著耕田有城郭宮室者是也
又按北史波路國在阿鈎羌西北而阿鈎羌國
在莎車西南西有縣度山以漢書烏秬國西有
縣度之文証之則阿鈎羌國當與今拔達克山
連壤魏時波路在阿鈎羌西北今布魯特在拔
達克山西北形勢相合而波路之與布魯音亦
相同外藩字無正音稱名類由口授積久沿訛

猶得與初稱近似者蓋徃徃而有矣

西布魯特

西布魯特在喀什噶爾西北三百里道由鄂什踰
葱嶺而至與東布魯特相望部落凡十有五其最
著者四曰額德格訥鄂拓克曰蒙科爾多爾鄂拓
克頭目阿濟比兼轄之戶七百有奇曰齊里克鄂
拓克頭目由瑪特戶二百有奇曰巴斯子鄂拓克
頭目噶爾住戶千三百有奇部落雖分而駐牧同

地東南抵蔥嶺西迄於布哈爾諸部落共二十萬人逐水草事游牧漢休循捐毒故地也久思內附以準噶爾阻未得通乾隆二十四年將軍兆惠既定喀什噶爾追捕餘孽道經諸部遮道籲請內附乃遣二等侍衛達克塔納等往撫阿濟比奉將軍書曰額德格訥布魯特小臣阿濟比恭祝

大皇帝萬萬壽恭呈如天普覆廣大無外富有四海

乾隆大皇帝欽命將軍之前今將軍自喀什噶爾傳諭

金史卷四十五
我部頒給印文謹已奉到不勝踴躍適慰心想當
率諸部自布哈爾迤東二十萬人衆皆作臣僕兆
惠嘉其誠表於

朝

詔受之由是十五部落皆內附諸頭目以未出痘不敢
入中國乃遣由瑪特之兄名呼達里者朝

京師

覲於盤山靜寄山莊

賜宴與觀南苑大閱及燈火二十五年正月額德格訥
阿濟比遣使錫喇噶斯等來朝

賜宴八月遣侍衛索諾木等往

賜勅郊迎祇受如禮二十七年額德格訥阿濟比所屬
鄂斯諸處為霍罕額爾德尼侵據今註守新疆尚
書永貴等遣諭額爾德尼還所侵地其地北極高
四十度一分至三十分距京師偏西四十三度三
十一分至四十六度三十分二十八年其別部阿

瓦勒比願以其部供內地游牧并悉心經理牧羣
事宜

帝嘉之

賜四品頂帶

漢書西域傳休循國王治鳥飛谷在葱嶺西去長

安萬二百一十里東至都護治所三十一百二十
一里至捐毒衍敦谷二百六十里西北至大宛國
九百二十里西至大月氏千六百一十里民俗衣

服類烏孫因畜隨水草捐毒國王治衍敦谷去長
安九千八百六十里東至都護治所二千八百六
十一里至疏勒南與蔥嶺屬西上蔥嶺則休循也
西北至大宛千三十里北與烏孫接衣服類烏孫
隨水草依蔥嶺

按漢書休循捐毒皆在蔥嶺外二國相屬附蔥
嶺而居今喀什噶爾西鄂什一帶連屬蔥嶺休
循捐毒當在其西北麓班師所謂西上蔥嶺者

由鄂什口西出葱嶺也今西布魯特之蒙科爾
多爾諸部落道由鄂什出葱嶺則諸部正當其
麓應即休循捐毒故地且在安集延霍罕有城
郭諸國之東南正班史所謂西北至大宛國也
又烏孫西逐月氏而據其地休循捐毒境界毗
連捐毒南直疏勒北與烏孫據有月氏之境相
屬故風俗衣服類烏孫以月氏之先本塞王地
也以一方形勢考之北則烏孫據有月氏之地

南則捐毒捐毒以西則休循大宛則當二國之
西北而東與烏孫據有月氏之地接以今之東
布魯特當古烏孫據有月氏之地今之西布魯
特當古休循捐毒二國地在今則為無城郭之
部落遺墟故俗大略可見又休循去都護治所
三千一百二十一里捐毒去都護治所二千八
百六十一里相距不及三百里以西國戶口考
之大小相等其地實不過六百里以今布魯特

之蒙科爾多爾齊里克巴斯諸諸部落核之殆
不啻兼有兩國之地矣

霍罕

霍罕在鄂什西北七百八十里喀什噶爾西北八
百八十里東與布魯特部落錯處其東為瑪爾噶
朗又東為安集延東北為那木干皆有城郭四城
地當平陸南控葱嶺北濱那林河河流從東布魯
特境西行過安集延城北又西過瑪爾噶朗城北

又西過那木干城北又西過霍罕城南又西北行
過賽瑪爾堪城北又東南入於達里岡阿鄂謨南
北山泉支流會合襟帶諸城之間土膏沃衍氣候
和煦人民殷庶畜牧饒富其人亦布魯特種奉回
教習帕爾西語則皆古之大宛國也諸城皆有伯
克而霍罕城伯克額爾德尼為之長衆咸聽命乾
隆二十四年將軍兆惠追捕霍集占同侍衛達克
塔納等撫定布魯特諸部遂至其地額爾德尼伯

克遣都官伯克迎至城內日饋特羊瓜果酒米又
羶榆馬匹諸物感慕悅服脩極誠敬使旋乃遣頭
目托克托瑪哈墨第等謁軍門賁奉額爾德尼等
恭進

皇上表文併上將軍書曰額爾德尼伯克等請

大皇帝欽差統兵至威至勇將軍等安仰賴

上天之德

大皇帝洪福我等羣生亦護安業聞將軍至葉爾羌喀

什噶爾後布魯特哈薩克等衆部落俱傳檄安定
而我部檄書未至日夜以冀幸侍衛費將軍書來
我等得為

大皇帝臣僕永受康寧不勝感悅於是四城咸內附二
十五年正月遣安集延伯克托克托瑪哈墨第來

朝

詳安集
延條

九月額爾德尼遣使貢馬二十七年貢

白鷹二十八年額爾德尼遵駐守新疆尚書永貴
等檄還所侵布魯特地二十九年

賜勅訓諭額爾德尼并免通信喀什噶爾伊沙噶伯克
阿伯都喇伊木罪是年貢白海青三十五年額爾
德尼卒姪納祿博圖襲為伯克遣使來朝貢龍泉
盤子其地北極高四十一度二十三分距京師偏
西四十五度五十六分

御製白鷹歌

霍罕額爾德尼伯克所進歌以紀事

壬午

受將軍檄遮賊魁設罟未入慚雉媒

逆酋霍集占兄弟
窮竄至拔達克山

獻職而安集延霍罕諸回部一奉軍門割並請捧首以
設計誘擒雖逆酋未及取道而先後惆恍倍著
降心無乖方物屢獻表賓徠每教厚往而薄來九經正
義誠昭哉白鷹今復致驚材雪毛金脚刷羽暄下鞬目
不留狼豺鵲師赤養皆旗回
回人養鷹鵲者謂之鵲師赤居之京師隸八旗蒲
萄餵肉那可儕開門揖盜謀非佳博觀今古益凜懷作
歌匪詡荒遐開

御製白海青歌

有序
甲申

霍罕汗額爾德尼嚮風款塞獻白海青一重數譯而

達京師所謂積雪全映飛花碎點信驚鳥之奇特者也金元以來賦海青者率目為海東之產故有扶餘東溟之詠今林丞所掌金眸玉爪迴異凡材者蓋習見習聞茲霍罕地在玉門萬里外於古為大荒以西順秋氣而應瑤光其精明俊疎為金方之英固宜既命卽世寧繪圖狀其神貌更賦七言長句以紀其實匪若天馬興歌極鋪張誇詡之為亦如旅獒底貢深持盈慎德之思耳

海東翻飛下海西

海青本名海東青

變青為白斯更奇東木西

金五行配各從其色非人為霍罕部在天山右其汗名

額爾德尼攄誠通貢致方物鞠來驚鳥隨譯鞬黃睛玉

爪氣雋逸素翹皓羽光陸離籠育林監昭遠服為之造

屋誠無稽

見元史

豪騰雄擊都弗藉純精明潔覃宜題瑞

圖越裳漫比擬寫形傳實寧可遺寫形傳實寧可遺久

安永奠殷吾思

御製詠龍泉盤子

有序庚寅

向侍衛自吐魯蕃廻者曾携一盤至亦既有詩紀事
此盤乃霍罕所貢霍罕安集延部類相近而霍罕為
之長舊伯克額爾德尼今其姪納博圖襲為伯克
其地益遠於吐魯蕃數倍使使者貢萬壽並告新用
事因成是什錄實

古宋龍泉世頗稀云何外域尚有吐魯蕃器昔訝看
霍罕包貢今復走不寶厚往致頻來所嘉彼亦知獻壽
質厚色蔥弗茅葭

出遵生八牋磁器開
路曰葭少損曰茅

定窰之下斯掄

首趙家幅員未逮彼彼何以得故難剖長言紀實非玩物更厯深意慎所守

史記大宛傳大宛在匈奴西南在漢正西去漢可萬里其俗土著耕田有城郭屋室其屬邑大小七十餘城其北則康居西則大月氏西南則大夏東北則烏孫東則扞罽于寘

漢書西域傳大宛國王治貴山城去長安萬二千五百五十里東至都護治所四千三十一里北至

康居卑闐城千五百一十里西南至大月氏六百九十里北與康居南與大月氏接宛別邑七十餘城多善馬張騫始為武帝言之上遣使者持千金及金馬以請宛善馬宛王不肯與漢使妄言宛遂攻殺漢使於是天子遣貳師將軍李廣利伐宛宛人斬其王毋寡首獻馬三千匹漢軍乃還

晉書西戎傳大宛去洛陽萬三千三百五十里南至大月氏北接康居大小七十餘城太康六年武

帝遣使楊顥拜其王藍庚為大宛王藍庚卒其子摩之立遣使貢汗血馬

魏書西域傳洛那國故大宛國也都貴山城在疏勒西北去代萬四千四百五十里太和三年遣使獻汗血馬自此每使朝貢

唐書西域傳寧遠者本拔汗那或曰鏐汗元魏時謂破洛那去京師八千里居西韃城在真珠河之北有大城六小城百貞觀中王契苾為西突厥瞰

莫賀咄所殺阿瑟和鼠匿奪其城鼠匿死子遏波
之立契苾兄子阿了參為王治呼悶城遏波之治
渴塞城顯慶初遏波之遣使朝貢三年以渴塞城
為休循州都督府授阿參了刺史自是歲朝貢天
寶三載改其國號寧遠

按漢書稱自車師前王廷隨北山波河西行至
疏勒為北道西踰葱嶺則出大宛康居奄蔡今
喀什噶爾為古疏勒其踰葱嶺必經鄂什是即

古自疏勒西踰蔥嶺出大宛之北道也漢書休
循在蔥嶺西捐毒與蔥嶺屬二國附蔥嶺而居
西北皆當大宛而捐毒稍東其北尚與烏孫接
則是鄂什出蔥嶺之道計之蔥嶺西北為休循
休循西北為大宛也休循捐毒為今布魯特說見
前條由是西北為安集延瑪爾噶朗霍罕那木干
塔什罕皆有城郭土著與史記大宛土著有城
郭之說合則大古宛地當即今安集延諸城無

疑元魏以洛那國為古大宛云在疏勒西北方
位非誣唐之拔汗那即魏破洛那而更名寧遠
者應即漢大宛故地東界西突厥南接葱嶺是
以其王契苾為西突厥所殺而以渴塞城為休
循州者境當葱嶺北原本漢休循國地是今安
集延諸城在漢為大宛在唐為寧遠也

御製詩跋云史記言大宛為城郭之國則正今之回部
非哈薩克也臣等紬繹

聖訓考證方隅如今之葉爾羌一帶回部附近蔥嶺雖與漢時大宛相去不遠尚在蔥嶺之內其在蔥嶺外者為今霍罕安集延諸城亦奉回教參互史書審證方位其為大宛故壤無疑

安集延

安集延在霍罕東三百八十里東南去鄂什四百里去喀什噶爾五百里西北為那木干西為瑪爾噶朗北濱那林河南接蔥嶺乾隆二十四年奉將

軍檄諭令協擒霍集占既內附專使額請入

覲二十五年正月其城伯克托克托瑪哈墨第等朝

京師

賜宴瀛臺其地北極高四十一度二十八分距京師偏

西四十四度三十五分

御製瀛臺賜宴安集延來使即席得句

庚辰

奉檄猶慚力未宣

安集延奉將軍遣侍衛檄諭即欲協擒霍集占兄弟以逆賊未至彼境即

專使額請入覲

右旋書捧使來專閉關難學漢光武謁陞何期

安集延西宛都稱到天上南蘭羣喜沐恩先

時拔達山使尚未到

仰流嘉彼明於順三接應申錫賚駢

御製安集延匕首

癸未

持短入長不踰尺應速用近兩刃窄水晶為靶月芽直
筠沖插腰豫戒迫感我厚澤貢弗惜徒觀美理霜雪色
纏綿經冗金錯飾漆龍文鞘偃蹇奕自來非擬鄧遵得
錦袂褱更擅匣襲用昭絕域兵戈釋

瑪爾噶朗

瑪爾噶朗在安集延西百八十里北濱那林河東
與安集延接南拱葱嶺西有河出葱嶺北山北行
入那林河乾隆二十四年侍衛達克塔納往撫其
城伊拉斯呼里拜伯克以其屬內附其地北極高
四十一度二十四分距京師偏西四十五度十分
那木干

那木干在瑪爾噶朗城西北八十里霍罕城東北
八十里南濱那林河東西有水出北山南流入那

林河東北與布魯特雜處乾隆二十四年與霍罕
安集延同時內附其地北極高四十一度三十八
分距京師偏西四十五度四十分東五十里踰河
為塔爾罕

按霍罕安集延瑪爾噶朗那木干諸部跨那林
河之南北列城四五應即漢大宛別邑七十餘
城唐寧遠大城六小城百之故地說並見前霍
罕條又按唐時寧遠即破洛那其西南境別有

曹史康米諸國即康居五小王支庶為匈奴突厥所請西南依蔥嶺者亦應在今安集延諸城以西其詳備見北魏隋唐諸史爰摭錄故實而繫以論說焉

北史西域傳康國者康居之後也遷徙無常不恒故地自漢以來相承不絕其王本姓溫月氏人也舊居祁連山北昭武城因被匈奴所破西踰蔥嶺遂有國枝庶各分王故康國左右諸國並以昭武

為姓示不忘本也王字世夫畢其妻突厥達度可
汗女也都於薩寶水阿祿迪城名為強國西域諸
國多歸之大業中始遣使貢方物 米國都那密
水西舊康居之地無王其城主姓昭武康國王之
支庶字閉拙都城方二里西北去蘇對沙那國五
百里西南去史國二百里東去瓜州六千四百里
大業中頻貢方物 史國都獨莫水南舊康居之
地也其王姓昭武字狄遮亦康國之支庶也都城

方二里北去康國二百四十里南去吐火羅二百里西去那色波國二百里北去米國二百里東北去米國二百里東去瓜州六千五百里大業中遣使貢方物 曹國都那密水南數里舊是康居之地也國無主康國王令子烏建領之都城方三里東南去康國百里西去何國百五十里東去瓜州六千六百里大業中遣使貢方物 何國都那林水南數里舊是康居地也其王姓昭武亦康國王

之族類都城方二里東去曹國百五十里西去小女國三百里東去瓜州六千七百五十里大業中

遣貢貢方物

魏書隋書載康米史曹何諸國與北史同

唐書西域傳康者一曰薩末鞬亦曰颯秣建元魏

所謂悉萬斤者其南跨史百五十里西北距西曹百餘里東南屬米百里北中曹五十里在那密水南大城三十小堡三百君姓溫本月氏人始居祁連北昭武城為突厥所破稍南依葱嶺即有其地

枝庶分王曰安曰曹曰石曰米曰何曰火尋曰戊
地曰史世謂九姓皆氏昭武隋時其王屈木支娶
西突厥女遂臣突厥武德十年始遣使來獻高宗
永徽時以其地為康居都督府東曹或曰率都
沙那蘇對沙那劫布咀那蘇都識匿凡四名居波悉
山之陰漢貳師城地也東北距俱戰提二百里北
至石西至康東北寧遠皆四百里許南至吐火羅
五百里有野叉城武德中與康同遣使入朝西曹

者隋時曹也南接史及波覽治瑟底痕城武德中
入朝天寶元年獻方物中曹者居西曹東康之北
王治迦底真城米或曰彌末曰彌秣賀北百里距
康其君治鉢息德城永徽時為大食所破顯慶三
年以其地為南謚州朝貢不絕何或曰屈霜你迦
曰貴霜匿即康居小王附墨城故地史或曰佉沙
曰羯霜那居獨莫水南康居小王蘇薤城故地西
百五十里距那色波北二百里屬米南四百里吐

火羅也

按唐書吐火羅居葱嶺西烏澹水之南古大夏地那色波亦曰小史居吐火羅故地東扼葱嶺而於史國則稱其西距那色波南接吐火羅北史亦云史國南去吐火羅五百里是史國在葱嶺西北也北史米國西南去史國二百里史國北去米國二百里東北去米國二百里唐書史北二百里屬米是米為史直北偏東二百里國

在葱嶺北也唐書康國南距史百五十里東南距米百里是康為史直北米西北百餘里國在葱嶺西北也唐書東曹即蘇對沙那西至康是東曹在康國之東而云南去吐火羅五百里亦應在葱嶺西北以北史米國西南去史國二百里西北去蘇對沙那五百里之文証之則東曹固在史國之北是以南去吐火羅與史國同也東曹之西為中曹南接康中曹之西為西曹南

接史而康之南境亦接史是史國東西之境較長唐書東曹西至康北史曹國東南至康一專就東曹而言一兼中東西三曹國而言故其文不同北史稱何國東去曹國百五十里是何國又居諸國之西也總計史米曹康何五國南北約四百里東西六百餘里在蔥嶺直北迤西境上以今形勢揆之當為霍罕安集延諸城西南五百餘里內地安集延諸城為唐之寧遠說見

前條由是西南行得曹米諸國即唐書所謂東曹東北四百里至寧遠者也九姓昭武為匈奴突厥所破稍西南行依蔥嶺者如此既遷之後在漢大宛西南依蔥嶺未遷之前在漢大宛西北傍祁連舊屬康居五小王地漢書所謂大宛西北與康居接北道西踰蔥嶺則出大宛康居者於此可見唐書稱東曹為漢貳師城猶在大宛境內又云西曹者隋時曹也隋書曹國舊康

居之地是則唐之東曹西曹實漢之大宛康居
交界處益灼然矣

塔什罕

塔什罕東北與右部哈薩克接東與布魯特接東
南與那木干接距喀什噶爾城一千三百里漢大
宛康居交界處唐則石國地也地居平原有城以
三和卓分轄回衆曰莫爾多薩木什曰沙達曰吐
爾占向為右部哈薩克羈屬歲供差役莫爾多薩

木什者哈薩克所置和卓也為吐爾占所逐哈薩克以兵問罪於吐爾占久而不解乾隆二十三年參贊大臣富德追擒哈薩克錫拉至其地遣蒙固爾岱赫善等往撫塔什罕回衆及右部哈薩克次軍於莽格特城外以待之蒙固爾岱赫善既諭哈薩克降復憫回衆之受兵也將平之召吐爾占未至索諸野方與哈薩克戰於河上因諭以睦鄰守土之道並宣示

聖主威福乃大感悟與哈薩克釋爭相睦如初遂遣其屬莫呢雅斯奉表降

詔受之其文曰臣莫爾多薩木什跪奏

大仁至聖普冒羣生大皇帝恭惟

天使惠臨臣土臣不勝懼躍奉承

諭旨若開蒙瞽蠢茲邋末敢備外藩罔或有二心所有

準尊額什木札布謹獻闕下外臣草莽冀隨星軺

仰瞻

聖容躬服

晏訓回歸游牧宣示臣屬永永無極誠忻誠慶九月莫
呢雅斯來朝

賜宴盤山靜寄山莊與觀南苑大閱及燈火額什木札
布阿睦爾撒納兄子也從賊亡走為塔什罕所得
至是獻之其地北極高三十度五分距京師偏西
四十七度三十三分由塔什罕西南行七百里外
踰錫爾河又踰那林河為賽瑪爾堪城又西南為

哈拉克則城又西為烏爾根齊城又西臨達里岡
阿鄂謨西境盡矣

明史西域傳

塔失罕

舊作達失
干今改正

西去賽瑪爾堪

舊作

撒馬兒罕
今改正

七百餘里城居平原周二里外多園林

饒果木土宜五穀民居稠密

按北魏以降康居五王分為九姓後稍西南遷
居漢大宛西南即北史所謂舊居祁連山北昭
武城因被匈奴所破西踰葱嶺唐書所謂始居

祁連北昭武城為突厥所破南依蔥嶺者也今
塔什罕城在古康居大宛之間當蔥嶺直北四
百里外必古所謂昭武城者去此不遠是以南
遷則依蔥嶺西遷則踰蔥嶺也明代去今差近
達失干即塔什罕其名不易所謂西去賽瑪爾
堪七百餘里者即今自塔什罕西南行踰錫爾
那林兩河而至之賽瑪爾堪城也

欽定皇輿西域圖志卷四十五